



SISI lain wajah Mun Yee yang rupawan persis seorang model.

MUN YEE mula mencebur sukan renang pada usia 10 tahun.



GANDINGAN Mun Yee dan Pandelela Rinong sering menjadi tumpuan peminat sukan terjun papan anjal.

Mun Yee penerjun jelitawan

INFO

Biodata

Nama penuh: Leong Mun Yee
Tarikh lahir: 4 Disember

1984

Umur: 34 tahun

Asal: Ipoh, Perak

Tinggi: 163 sentimeter

Berat: 54 kilogram

Kerjaya: Atlet

Pendidikan: Ijazah Sarjana Muda Komunikasi, Universiti Putra Malaysia

Hobi: Memasak, melancong dan menonton wayang

Pencapaian:

- Pingat gangsa Kejohanan Dunia 2009 di Rome, Itali

- Pingat gangsa Kejohanan Dunia 2013 di Barcelona, Sepanyol

- Pingat perak Sukan Komanwel 2010 New Delhi, India

- Pingat perak World Series 2011 di Beijing, China

- Pingat emas FINA Diving Grand Prix Kuala Lumpur 2017 bersama Pandelela Rinong

- Pingat gangsa Sukan Komanwel 2018 di Gold Coast, Australia bersama Nur Dhabitah Sabri

LEONG Mun Yee sekali lagi mengharumkan nama negara menerusi acara terjun 10 meter platform seirama wanita pada Sukan Komanwel 2018 bersama Nur Dhabitah Sabri di Gold Coast, Australia baru-baru ini.

Gandingan dua penerjun itu berjaya memperoleh pingat gangsa.

Kejayaan itu bukan pertama kali diraih Mun Yee. Sebelum ini, dia juga pernah membawa pulang pingat perak pada sukan yang sama di New Dehli, India pada tahun 2010.

Mun Yee mula mencebur sukan terjun sejak berusia 10 tahun. Tiga tahun selepas itu, dia dipilih untuk menyertai program latihan kebangsaan.

Pada mulanya, Mun Yee seorang kanak-kanak yang tidak gemar bersukan, namun dia berubah



MUN YEE (kanan) ketika menerima Ijazah Sarjana Muda Komunikasi di Universiti Putra Malaysia pada tahun 2017.

apabila abangnya, perenang yang mewakili Perak sering membawanya ke sesi latihan.

Setelah usianya makin meningkat, Mun Yee mula meminati sukan itu dan demi cintanya terhadap sukan berkenaan, dia sering menangguhkan pengajian.

Bagaimanapun, dalam kesibukan menyertai sukan di peringkat kebangsaan dan antarabangsa,

Mun Yee tetap berjaya memperoleh Ijazah Sarjana Muda Komunikasi di Universiti Putra Malaysia pada tahun lalu selepas 10 tahun menuntut di universiti tersebut.

Mun Yee berkata, ilmu pengetahuan dan kekuatan intelek adalah kemestian dalam hidup manakala sukan akan terhenti tatkala usia semakin meningkat serta kekuatan fizikal berkurang.